

CONSELLERÍA DE TRABALLO

Orde do 30 de decembro de 2008 pola que se regula o réxime de subvencións ás centrais sindicais para o ano 2009.

O marco xeral de subvencións destinadas ás centrais sindicais que no campo laboral convoca anualmente esta Administración autonómica está regulado no Decreto 106/1994, do 21 de abril, que no seu artigo 4 establece as seguintes: as destinadas ás centrais sindicais con representación na comunidade autónoma, para o desenvolvemento das súas actividades. Desde o ano 1991 véñse apoiando mediante subvencións a creación ou mantemento de gabinetes de asesoramento en materia de economía social, co fin de cooperar de forma efectiva co fomento, creación e funcionamento das diversas modalidades de economía social, en virtude do acordado na Mesa de Concertación Social; e desde o ano 1993, como consecuencia dos acordos Xunta de Galicia - sindicatos aprobados pola mesa xeral o 23 de outubro de 1992, estableceuse unha liña de axuda destinada aos sindicatos máis representativos coa finalidade de subvencionarlles plans de formación de cadros e delegadas e delegados sindicais e gabinetes sindicais de formación.

Conforme o anterior anúncianse nesta orde os seguintes tipos de axudas:

Programa I. Axuda para o desenvolvemento das actividades das centrais sindicais durante o ano 2009.

Programa II. Axuda ás centrais sindicais para a creación ou mantemento de gabinetes de asesoramento en materia de economía social.

Programa III. Axuda para gabinetes técnicos de formación e para plans de formación de persoal e de delegadas e delegados sindicais.

O importe global das referidas axudas destinadas aos tres programas mencionados ascende a un total de dous millóns trescentos vinte e cinco mil novecentos cincuenta e oito euros (2.325.958 €) que figura no proxecto de Lei dos orzamentos xerais da Comunidade Autónoma de Galicia para o ano 2009.

Concluído o proceso de eleccións sindicais previsto na disposición transitoria oitava do actual texto refundido da Lei do Estatuto dos traballadores, e en virtude do novo sistema de medición da representatividade das organizacións sindicais, para os efectos das axudas previstas nesta orde terase en conta a representatividade sindical a 31-12-2008 referida exclusivamente ao ámbito territorial de Galicia.

A orde da Consellería de Economía e Facenda do 11 de febreiro de 1998, modificada polas ordes do 27 de novembro de 2000 e do 25 de outubro de 2001, posibilita a tramitación anticipada dos expedientes de axudas e subvencións no exercicio inmediatamente anterior ao dos orzamentos con cargo aos que se vaian imputar os correspondentes gastos.

Con este fin, no proxecto de Lei de orzamentos xerais da Comunidade Autónoma de Galicia para o

ano 2009 habilítanse créditos para cumprir a finalidade dos anteditos programas ou accións.

A Lei 9/2007, do 13 de xuño, de subvencións de Galicia, o Decreto 287/2000, do 21 de novembro, polo que se desenvolve o réxime de axudas e subvencións públicas da Comunidade Autónoma de Galicia, en canto non se opoña a antedita lei, establecen o réxime xeral de concesión de axudas e subvencións públicas da Comunidade Autónoma de Galicia, normativa á que, en consecuencia, se adaptará esta orde tendo en conta, en todo caso, os principios de publicidade, obxectividade, concorrencia, transparencia, igualdade e non discriminación.

Por todo o exposto, consultado o Consello Galego de Relacións Laborais e, de conformidade coas atribucións que teño conferidas e para a debida aplicación dos créditos orzamentarios aos fins para os que foron establecidos,

DISPOÑO:

CAPÍTULO I
ÁMBITO DE APLICACIÓN

Artigo 1º.-Obxecto.

1. Esta orde ten por obxecto a convocatoria das axudas previstas no artigo 4 do Decreto 106/1994, do 21 de abril, polo que se establece o réxime xeral das axudas e subvencións en materia de ámbito laboral e mellora das condicións de traballo que concederá a Consellería de Traballo ás centrais sindicais con representación na Comunidade Autónoma de Galicia, para o desenvolvemento das súas actividades durante o ano 2009, para a creación ou mantemento de gabinetes de economía social e para gabinetes técnicos de formación, e para plans de formación de persoal e de delegadas e delegados sindicais.

Para os efectos desta orde teranse en conta a representatividade sindical a 31-12-2008, referida exclusivamente ao ámbito territorial de Galicia.

2. As solicitudes, tramitación e concesión destas axudas axustaranse ao disposto na Lei 9/2007, do 13 de xuño, de subvencións de Galicia, no Decreto 287/2000, do 21 de novembro, en canto non se opoña a antedita lei, e na Lei dos orzamentos xerais da Comunidade Autónoma de Galicia para o exercicio 2009 a partir da súa entrada en vigor, así como no Decreto 106/1994, do 21 de abril, e nesta orde. O procedemento de concesión das axudas previstas nesta orde se tramitará en réxime de concorrencia non competitiva de conformidade co previsto no artigo 19.2º da Lei de subvencións de Galicia, axustándose a repartición aos criterios que se establecen nesta orde.

3. Tipos de axudas.

Programa I. Axuda para o desenvolvemento das actividades das centrais sindicais durante o ano 2009.

Programa II. Axuda ás centrais sindicais para a creación ou mantemento de gabinetes de asesoramento en materia de economía social.

Programa III. Axuda para gabinetes técnicos de formación e para plans de formación de persoal e de delegadas e delegados sindicais.

CAPÍTULO II
PROGRAMAS

SECCIÓN PRIMEIRA
PROGRAMA I

Axuda para o desenvolvemento das actividades das centrais sindicais durante o ano 2009.

Artigo 2º.-*Finalidade.*

Será a de facilitarlles axudas económicas ás centrais sindicais con representación no ámbito da Comunidade Autónoma de Galicia, para as actividades que lle son propias, de acordo co disposto na normativa legal vixente de aplicación e que se desenvolvan no ano 2009.

Artigo 3º.-*Financiamento.*

Esta axuda financiarase con cargo á aplicación orzamentaria 16.04.324A.481.6 da Dirección Xeral de Relacións Laborais cun crédito por importe de un millón cento oitenta e sete mil catrocentos oitenta e sete euros (1.187.487 €) co código de proxecto 2009/01046, recollida no proxecto de Lei dos orzamentos xerais da Comunidade Autónoma de Galicia para o exercicio 2009.

En todo caso, o gasto proxectado tramitarase como expediente anticipado e está condicionado á existencia de crédito axeitado e suficiente para tal fin nos orzamentos xerais da Comunidade Autónoma de Galicia para o ano 2009, segundo o disposto na orde da Consellería de Economía e Facenda do 11 de febreiro de 1998, modificada polas ordes do 27 de novembro de 2000 e 25 de outubro de 2001.

Artigo 4º.-*Entidades beneficiarias e subvención.*

O crédito que figura na citada aplicación orzamentaria será proporcionalmente distribuído entre as centrais sindicais a que se refire o artigo 2º, segundo a denominación con que se presentaron e o número de representantes que tivesen o 31 de decembro de 2008 en virtude das eleccións que tiveron lugar nas empresas e nas administracións públicas no ámbito de Galicia.

Non poderán ser beneficiarias das subvencións reguladas neste programa aquelas entidades que non cumpran os requisitos establecidos no artigo 10 da Lei 9/2007, do 13 de xuño, de subvencións de Galicia.

SECCIÓN SEGUNDA
PROGRAMA II

Axuda ás centrais sindicais para a creación ou mantemento de gabinetes de asesoramento en materia de economía social.

Artigo 5º.-*Finalidade.*

Será a de promover e apoiar a creación ou mantemento de gabinetes de asesoramento en materia de economía social.

Artigo 6º.-*Requisitos.*

Para poderen ser obxecto de subvención os gabinetes de asesoramento en materia de economía social deberán estar integrados, como mínimo, por dúas persoas con titulación superior, unha das cales deberá ser necesariamente licenciada en economía ou en administración e dirección de empresas, e unha persoa auxiliar administrativo, contratadas a xornada completa para a realización das actividades propias dos gabinetes.

Artigo 7º.-*Financiamento.*

Esta axuda financiarase con cargo á aplicación orzamentaria 16.04.324A.481.8 da Dirección Xeral de Relacións Laborais cun crédito por importe de douscentos corenta e oito mil oitocentos setenta e dous euros (248.872 €) co código de proxecto 2009/01049, recollida no proxecto de Lei dos orzamentos xerais da Comunidade Autónoma de Galicia para o ano 2009.

En todo caso, o gasto proxectado tramitarase como expediente anticipado e está condicionado á existencia de crédito axeitado e suficiente para tal fin nos orzamentos xerais da Comunidade Autónoma de Galicia para o ano 2009, segundo o disposto na orde da Consellería de Economía e Facenda do 11 de febreiro de 1998, modificada polas ordes do 27 de novembro de 2000 e 25 de outubro de 2001.

Artigo 8º.-*Entidades beneficiarias.*

Poderán ser beneficiarias desta axuda as centrais sindicais con representación na Comunidade Autónoma de Galicia segundo os resultados electorais referidos ao 31 de decembro de 2008.

Non poderán ser beneficiarias das subvencións reguladas neste programa aquelas entidades que non cumpran os requisitos establecidos no artigo 10 da Lei 9/2007, do 13 de xuño, de subvencións de Galicia.

Artigo 9º.-*Subvención.*

Do crédito que figura na citada aplicación orzamentaria poderá destinarse en concepto de axuda á creación ou mantemento de gabinetes de asesoramento en materia de economía social sesenta e sete mil oitocentos sesenta e sete euros (67.867 €) a cada unha das centrais sindicais máis representativas desta comunidade autónoma, de conformidade co establecido no artigo 7 da Lei orgánica 11/1985, do 2 de agosto, de liberdade sindical, e en virtude da representatividade sindical ao 31 de decembro de 2008.

O resto do crédito, corenta e cinco mil douscentos setenta e un euros (45.271 €), dedicarase a atender as solicitudes das outras centrais con representación en Galicia, consonte aos resultados electorais que se sinalan no artigo 8º.

Se non se presentase ningunha solicitude ou o número das efectuadas fose escaso a criterio desta consellería, e unha vez atendidas estas, a consellería reserva para si a facultade de incrementar a contía das axudas do programa I, consonte o criterio de dis-

tribución previsto para el, ou efectuar convocatorias complementarias.

SECCIÓN TERCEIRA
PROGRAMA III

Axuda para gabinetes técnicos de formación e para plans de formación de persoal e de delegadas e delegados sindicais.

Artigo 10º.-*Finalidade.*

Será a de fomentar os gabinetes técnicos de formación e a de facilitar e favorecer a formación de persoal e de delegadas e delegados sindicais.

Artigo 11º.-*Financiamento.*

Esta axuda financiarase con cargo á aplicación orzamentaria 16.04.324A.481.7 da Dirección Xeral de Relacións Laborais cun crédito por importe de oitocentos oitenta e nove mil cincocentos noventa e nove euros (889.599 €) co código de proxecto 2009/01048, recollida no proxecto de Lei dos orzamentos xerais da Comunidade Autónoma de Galicia para o ano 2009.

En todo caso, o gasto proxectado tramitarase como expediente anticipado e está condicionado á existencia de crédito axeitado e suficiente para tal fin nos orzamentos xerais da Comunidade Autónoma de Galicia para o ano 2009, segundo o disposto na orde da Consellería de Economía e Facenda do 11 de febreiro de 1998, modificada polas ordes do 27 de novembro de 2000 e 25 de outubro de 2001.

Artigo 12º.-*Entidades beneficiarias.*

Poderán ser beneficiarias desta axuda as centrais sindicais máis representativas desta comunidade autónoma de conformidade co establecido no artigo 7 da Lei 11/1985, do 2 de agosto, de liberdade sindical, en virtude da representatividade sindical referida ao 31 de decembro de 2008.

Non poderán ser beneficiarias das subvencións reguladas neste programa aquelas entidades que non cumpran os requisitos establecidos no artigo 10 da Lei 9/2007, do 13 de xuño, de subvencións de Galicia.

Artigo 13º.-*Subvención.*

A subvención para gabinetes técnicos de formación será, para cada unha das centrais sindicais a que se refire o artigo anterior e que a solicite, de trinta e un mil cincocentos oitenta euros (31.580 €) O resto do crédito que figura na citada aplicación orzamentaria, setecentos noventa e catro mil oitocentos cincuenta e nove euros (794.859 €) destinarase ás centrais sindicais máis representativas que o soliciten, para plans de formación de cadros e delegadas e delegados sindicais, en proporción ao número de representantes que tiveran o 31 de decembro de 2008.

CAPÍTULO III
PROCEDEMENTO

Artigo 14º.-*Solicitudes.*

1. As solicitudes, que deberán formalizarse por separado para cada un dos programas, presentaranse

segundo o modelo que figura no anexo I, no rexistro xeral da Consellería de Traballo ou por calquera das formas previstas no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro.

2. O prazo de presentación de solicitudes será de 40 días hábiles contados a partir do día seguinte á data de publicación desta orde no *Diario Oficial de Galicia*.

Artigo 15º.-*Documentación.*

Cada solicitude deberá ir acompañada da seguinte documentación:

a) Acordo do órgano rector competente, debidamente acreditado, polo que se decida solicitar a subvención e poder suficiente que acredite a representación da persoa que actúe en nome da central sindical solicitante. No caso de que efectúe a solicitude unha federación ou confederación e reclame a subvención en nome doutros sindicatos con representatividade deberán xuntar documentación acreditativa en que conste a autorización dos sindicatos para que a confederación a solicite no seu nome.

b) Memoria explicativa da actividade ou actividades desenvolvidas ou que vaia desenvolver a central, ou o gabinete de asesoramento en materia de economía social, ou o gabinete técnico de formación e sobre o plan de formación de persoal e de delegadas e delegados sindicais, segundo o tipo de axuda que se solicita.

c) Fotocopia compulsada da tarxeta de persoas xurídicas co número de identificación fiscal.

d) Ficha de solicitude de transferencia bancaria.

e) Certificación da entidade bancaria acreditativa de que a central solicitante é a titular da conta corrente que indica.

f) Declaración expresa de submisión ás actuacións de comprobación que acorde a Consellería de Traballo e ás de control financeiro que lle corresponda á Consellería de Economía e Facenda e ás previstas na lexislación do Tribunal de Contas e do Consello de Contas.

g) Declaración de conxunto de todas as solicitudes de axuda efectuadas ou concedidas, para a mesma actividade, das distintas administracións públicas competentes ou outros entes públicos.

h) Declaración expresa de non incorrer nas circunstancias previstas no artigo 10.2º da Lei 9/2007, do 13 de xuño, de subvencións de Galicia.

Artigo 16º

Cando se trate de axudas para a creación ou mantemento de gabinetes de asesoramento en materia de economía social, ademais da documentación sinalada no artigo anterior, deberase xuntar copia compulsada dos contratos de traballo do persoal adscrito ao gabinete e documento que acredite figurar de alta na Seguridade Social como persoal traballador da central solicitante.

Artigo 17º.-*Tramitación.*

1. As unidades administrativas receptoras remitirán as solicitudes recibidas á Dirección Xeral de Relacións Laborais, para que o Servizo de Relacións Laborais comprobe se a solicitude ou a documentación presentada reúne os requisitos exixidos nos artigos anteriores, e no suposto de que se observe algún defecto ou sexa incompleta a documentación, de conformidade co disposto no artigo 71 da Lei de réxime xurídico das administracións públicas e do procedemento administrativo común, requirirase á entidade interesada para que nun prazo de 10 días, emende a falta ou presente os documentos preceptivos, con indicación de que, se así non o fixese, se terá por desistida da súa petición, logo da resolución que deberá ser ditada nos termos previstos no artigo 42 da antedita lei.

2. Unha vez realizado o trámite anterior os expedientes remitiranse á comisión de valoración para que emita informe previo á elevación ante o órgano competente para formular a proposta de resolución.

3. Para os efectos do disposto no número anterior a comisión de valoración estará formada polos seguintes membros: a persoa titular da Dirección Xeral de Relacións Laborais, quen presidirá, a persoa titular da Subdirección Xeral de Traballo, o/a xefe/a do Servizo de Relacións Laborais e un/ha xefe/a de sección da Dirección Xeral de Relacións Laborais que actuará como secretario/a, por designación da persoa responsable da Dirección Xeral de Relacións Laborais.

Se por calquera causa, no momento en que a comisión de valoración teña que examinar as solicitudes, algunha das persoas que a compoñen non puidese asistir, será substituída polo funcionario/a que para o efecto designe a persoa titular da Dirección Xeral de Relacións Laborais e, sempre que sexa posible, o nomeamento deberá recaer nunha persoa cuxo posto de traballo estea adscrito á dirección xeral.

Artigo 18º.-*Resolución.*

A resolución das axudas, logo do informe da comisión de valoración e da proposta da persoa titular da Dirección Xeral de Relacións Laborais e a fiscalización da Intervención Delegada da consellería, corresponderalle ao conselleiro de Traballo, e notificaráselles ás entidades interesadas no prazo de dez días a partir da data en que se dite a resolución. As resolucións deberán ser sempre motivadas.

O prazo para resolver e notificar será de catro meses contados desde que a solicitude da entidade interesada teña entrada no rexistro correspondente. A dita resolución poñerá fin á vía administrativa e contra ela poderá interpoñerse potestativamente recurso de reposición ante o mesmo órgano no prazo dun mes contado a partir do día seguinte ao da súa notificación, ou recurso contencioso-administrativo ante o Tribunal Superior de Xustiza de Galicia, no prazo de dous meses contados a partir do día seguinte ao da súa notificación.

Transcorrido o prazo para resolver o procedemento sen que se dite resolución expresa, entenderase que

esta é desestimatoria da concesión da axuda ou subvención.

De conformidade co artigo 13.4º da Lei 4/2006, do 30 de xuño, de transparencia e de boas prácticas na Administración pública galega, a Consellería de Traballo publicará na súa páxina web e no DOG a relación das entidades beneficiarias e o importe das axudas concedidas, polo que a presentación da solicitude leva implícita a autorización para o tratamento necesario dos datos das entidades beneficiarias e da súa publicación na citada páxina web.

Coa presentación da solicitude préstase expreso consentimento á Consellería de Traballo para incluír e facer públicos, no rexistro regulado no Decreto 132/2006, do 27 de xullo, os datos relevantes referidos ás axudas e subvencións recibidas, así como ás sancións impostas. Os datos de carácter persoal dos titulares de expedientes de axudas e subvencións están protexidos segundo o establecido na Lei 15/1999, do 13 de decembro, de protección de datos de carácter persoal. Os dereitos de acceso, rectificación, cancelación e oposición de datos de carácter persoal (artigo 5 da antedita lei) exerceranse ante o CIXTEC como órgano responsable dos ficheiros (rúa Domingo Fontán, 9, 15702 Santiago de Compostela).

Artigo 19º.-*Forma de pagamento e xustificación.*

1. Unha vez notificada a resolución de concesión de subvención e, previamente ao seu cobramento a entidade beneficiaria dispoñerá dun prazo de 10 días para a súa aceptación, transcorrido o cal sen que se producise manifestación expresa se entenderá tacitamente aceptada segundo o disposto no artigo 21.5-parágrafo 2º da Lei 9/2007, do 13 de xuño, de subvencións de Galicia. En todo caso, o prazo de presentación da xustificación das axudas concedidas rematará o 15 de outubro do 2009.

2. Poderase facer efectivo para os tres programas, logo de solicitude e en concepto de anticipo, ata o 50% do total da contía da subvención, no momento en que se teña constancia da aceptación da subvención concedida.

3. As axudas, con carácter xeral, poderán facerse efectivas nunha ou varias fases. A Administración poderá efectuar un pagamento único ou varios pagamentos parciais á entidade beneficiaria segundo se xustifique a realización das actividades subvencionadas e os gastos delas derivados.

No caso de que a subvención concedida sexa superior a seis mil dez con doce euros, e de conformidade co disposto no artigo 16.2º.1, parágrafo terceiro do Decreto 287/2000, do 21 de novembro, igualmente se poderán acordar pagamentos parciais a conta da liquidación definitiva, a medida que a entidade beneficiaria xustifique os gastos, ata unha porcentaxe máxima do 80% da subvención concedida.

A xustificación das actividades subvencionadas e dos gastos delas derivados realizarase mediante a presentación da seguinte documentación:

a) Certificacións, en que figuren a desagregación detallada dos gastos contraídos polas actividades

obxecto de subvención, expedida pola persoa responsable da contabilidade da central sindical, con poder suficiente para o efecto, o que deberá acreditarse documentalmente.

b) Facturas orixinais ou copias compulsadas, debidamente conformadas pola persoa representante do sindicato, nas que figure o destino concreto do gasto, que deberá axustarse á finalidade da subvención. Ademais, deberán presentarse os xustificantes de pagamento das ditas facturas de acordo co disposto nos artigos 28 e 29 da Lei 9/2007, do 13 de xuño, de subvencións de Galicia.

c) Declaración de que as facturas e demais documentación que se presenten para o efecto de xustificar o gasto subvencionado non foron nin serán presentadas como xustificación para a concesión doutras axudas por calquera outra administración ou institución pública.

En todo caso, as ditas xustificacións poderanse complementar cos medios de xustificación previstos no artigo 15 do Decreto 287/2000, do 21 de novembro, en canto non se opoña á Lei 9/2007, do 13 de xuño, de subvencións de Galicia, e terán que presentarse antes do 15 de outubro de 2009.

Transcorrido o antedito prazo, ás entidades beneficiarias que non presentasen a documentación de xustificación final dos gastos poderáselles exixir o reintegro das cantidades percibidas en concepto de anticipo así como os pagamentos parciais efectuados, conxunto o disposto na disposición adicional segunda desta orde.

4. No momento da xustificación total da actividade subvencionada deberá presentarse declaración complementaria do conxunto das axudas solicitadas para a mesma actividade, tanto das aprobadas ou concedidas como as pendentes de resolución, das distintas administracións públicas competentes ou outros entes públicos, ou, de ser o caso, que non solicitou ou percibiu outras axudas ou subvencións.

Esta comunicación deberá ser individualizada por programa e deberá efectuarse tan pronto se coñeza, e en todo caso, con anterioridade á xustificación da aplicación dada aos fondos percibidos.

5. No momento da xustificación de execución total da actividade subvencionada e, en calquera caso, antes do último pagamento, deberase presentar unha memoria das actividades realizadas dentro de cada un dos programas obxecto de subvención.

Artigo 20º.-Compatibilidade e comprobación da aplicación das subvencións.

Estas axudas serán compatibles coa percepción doutras subvencións, axudas, ingresos ou recursos para a mesma finalidade, procedentes de calquera outra administración ou ente público ou privado, estatais, da Unión Europea ou de organismos internacionais, sen prexuízo de que o importe das subvencións percibidas, illadamente ou en concorrencia con outras axudas ou subvencións non supere o custo da actividade que se vai desenvolver.

A Dirección Xeral de Relacións Laborais poderá comprobar, en todo momento, a aplicación das subvencións concedidas para os fins programados. Cando se trate de axudas destinadas á creación ou mantemento de gabinetes de asesoramento en materia de economía social, achegaranse antes do 10 de febreiro de 2010 os boletíns oficiais de cotización á Seguridade Social onde figuren os traballadores e traballadoras con adscrición ao gabinete durante o período comprendido entre o 1 de xaneiro de 2009 ou desde a data da súa creación, se esta fose posterior, ata o 31 de decembro de 2009.

Disposicións adicionais

Primeira.-Toda alteración das condicións tidas en conta para a concesión da subvención, e en todo caso a obtención concorrente de subvencións ou axudas outorgadas por outras administracións ou entes públicos ou privados, estatais ou internacionais, poderá dar lugar á modificación da resolución de concesión, segundo o establecido no artigo 17.4º da Lei 9/2007, do 13 de xuño, de subvencións de Galicia e no artigo 12 do Decreto 287/2000, do 21 de novembro en tanto non se opoña a antedita lei.

Segunda.-No caso de que a entidade beneficiaria da axuda incumprise algunha das condicións ou obrigas estipuladas nesta orde, a Consellería de Traballo procederá ao reintegro total ou parcial da subvención concedida, e solicitará a devolución das cantidades percibidas e os correspondentes xuros de demora devengados desde o momento do seu pagamento, de habelos, segundo o disposto nos artigos 19 e 20 do Decreto 287/2000, do 21 de novembro, e nos artigos 33, 37 e 38 da Lei 9/2007, do 13 de xuño, de subvencións de Galicia.

Disposicións derradeiras

Primeira.-En todo o non regulado nesta orde aplicase de forma supletoria a Lei 9/2007, do 13 de xuño, de subvencións de Galicia e o Decreto 287/2000, do 21 de novembro, polo que se desenvolve o réxime de axudas e subvencións públicas da Comunidade Autónoma de Galicia en canto non se opoña ao establecido na antedita lei.

Segunda.-Facúltase a persoa titular da Dirección Xeral de Relacións Laborais para que dite, no ámbito das súas competencias, as instrucións necesarias para o desenvolvemento e cumprimento desta orde.

Terceira.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 30 de decembro de 2008.

Ricardo Jacinto Varela Sánchez
Conselleiro de Traballo



XUNTA DE GALICIA
CONSELLERÍA DE TRABALLO

ANEXO I

PROCEDEMENTO	CÓDIGO DO PROCEDEMENTO	DOCUMENTO
<input type="checkbox"/> AXUDA PARA O DESENVOLVEMENTO DAS ACTIVIDADES DAS CENTRAIS SINDICAIS DURANTE O ANO 2009	TR807A	SOLICITUDE
<input type="checkbox"/> AXUDA ÁS CENTRAIS SINDICAIS PARA A CREACIÓN OU MANTEMENTO DE GABINETES DE ASESORAMENTO EN MATERIA DE ECONOMÍA SOCIAL	TR807B	
<input type="checkbox"/> AXUDA PARA GABINETES TÉCNICOS DE FORMACIÓN E PARA PLANS DE FORMACIÓN DE CADROS E DELEGADOS SINDICAIS	TR807C	

DATOS DA CENTRAL SINDICAL

NOME DA CENTRAL SINDICAL	NIF
<input type="text"/>	<input type="text"/>

E na súa representación:

DON / DONA		DNI
<input type="text"/>		<input type="text"/>
ENDEREZO (para efectos de notificación)		
<input type="text"/>		
PROVINCIA	LOCALIDADE	CÓDIGO POSTAL
<input type="text"/>	<input type="text"/>	<input type="text"/>

EXPÓN:

Que á vista da convocatoria de subvención ás centrais sindicais por orde da Consellería de Traballo

publicada no DOG nº

Considera que reúne os requisitos exixidos na citada orde e presenta a documentación requirida para o efecto, polo que se solicita a concesión de subvención para central sindical

De conformidade co artigo 13.4º da Lei 4/2006, do 30 de xuño, de transparencia e de boas prácticas na Administración pública galega, a consellería publicará na súa páxina web oficial a relación dos beneficiarios e o importe das axudas concedidas, polo que a presentación da solicitude leva implícita a autorización para o tratamento necesario dos datos dos beneficiarios e da súa publicación na citada páxina web.

Coa presentación da solicitude préstase expreso consentimento á Consellería de Traballo para incluír e facer públicos, no rexistro regulado no Decreto 132/2006, do 27 de xullo, os datos relevantes referidos ás axudas e subvencións recibidas, así como ás sancións impostas. Os datos de carácter persoal dos titulares de expedientes de axudas e subvencións están protexidos segundo o establecido na Lei 15/1999, do 13 de decembro, de protección de datos de carácter persoal. Os dereitos de acceso, rectificación, cancelación e oposición de datos de carácter persoal (art. 5 da antedita lei) exerceranse ante o CIXTEC como órgano responsable dos ficheiros (rúa Domingo Fontán, 9, 15702 Santiago de Compostela).

LEXISLACIÓN APLICABLE

Orde do 30 de decembro de 2008 pola que se regula o réxime de subvencións ás centrais sindicais para o ano 2009.

Decreto 106/1994, do 21 de abril.

SINATURA DO/A SOLICITANTE OU PERSOA QUE O/A REPRESENTA

, de de

(Para cubrir pola Administración)

RECIBIDO

REVISADO E CONFORME

NÚMERO DE EXPEDIENTE

DATA DE ENTRADA

DATA DE EFECTOS

DATA DE SAÍDA

ANEXO II

DOCUMENTACIÓN QUE SE XUNTA

1º. a) Acordo do órgano competente, acreditado de modo fidedigno, polo que se decide solicitar a subvención.

b) Poder que acredite a representación da persoa que actúa en nome da central sindical solicitante.

c) En caso de que a central sindical solicitante fose unha federación ou confederación e reclamase a subvención en nome de sindicatos con representación en Galicia deberán achegar documentación acreditativa en que conste a autorización dos devanditos sindicatos para que a confederación a solicite no seu nome.

2º. Memoria explicativa da actividade ou actividades:

a) Desenvolvidas ou que vaia desenvolver a central solicitante durante o ano 2009.

b) Que realice ou vaia realizar o gabinete de asesoramento en materia de economía social.

c) Que realice ou vaia realizar o gabinete técnico de formación e memoria explicativa sobre o plan de formación de persoal e de delegados sindicais.

3º. Fotocopia compulsada da tarxeta de persoas xurídicas con número de identificación fiscal.

4º. Ficha de solicitude de transferencia bancaria, segundo o anexo III.

5º. Certificación da entidade bancaria acreditativa de que a central solicitante é a titular da conta corrente que indican.

6º. Declaración expresa da submisión ás actuacións que acorde a Consellería de Traballo e as de control financeiro que correspondan á Consellería de Economía e Facenda, e as previstas na lexislación do Tribunal de Contas e do Consello de Contas.

7º. Declaración conxunta de todas as solicitudes de axudas efectuadas ou concedidas, para esta actividade, das distintas administracións públicas competentes.

8º. Soamente para as axudas previstas no programa II, obxecto da orde de convocatoria:

a) Copia compulsada dos contratos de traballo do persoal adscrito ao gabinete.

b) Documentación acreditativa de que figuran de alta na Seguridade Social como traballadores da central solicitante.

9º. Declaración expresa de non incorrer nas circunstancias previstas no artigo 10.2º da Lei 9/2007, do 13 de xuño, de subvencións de Galicia.

ANEXO III

FICHA DE SOLICITUDE DE TRANSFERENCIA BANCARIA

DATOS DO/A PERCEPTOR/A

NOME DO/A PERCEPTOR/A		DNI / CIF	
<input type="text"/>		<input type="text"/>	
ENDEREZO		PROVINCIA	
<input type="text"/>		<input type="text"/>	
LOCALIDADE	CÓDIGO POSTAL	TELÉFONO	
<input type="text"/>	<input type="text"/>	<input type="text"/>	

DATOS BANCARIOS

CÓDIGO DO BANCO	CÓDIGO DA SUCURSAL	DÍXITOS DE CONTROL	CÓDIGO DA CONTA CORRENTE
<input type="text"/>	<input type="text"/>	<input type="text"/>	<input type="text"/>
NOME		ENDEREZO (RÚA E NÚMERO)	
<input type="text"/>		<input type="text"/>	
PROVINCIA	LOCALIDADE	CÓDIGO POSTAL	
<input type="text"/>	<input type="text"/>	<input type="text"/>	